

სსიპ საარჩევნო სისტემების განვითარების, რეფორმებისა და სწავლების ცენტრი



წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე

გამარტივებული ელექტრონული ტენდერის
დოკუმენტაცია

ბეჭდვა და მასთან დაკავშირებული მომსახურებების (CPV) კოდი - **79800000**
სახელმწიფო შესყიდვის შესახებ

ქ. თბილისი
2013 წელი

სარჩევი

1. ინსტრუქცია ტენდერში მონაწილეთათვის	3
2. ტექნიკური დოკუმენტაცია	4
3. სახელმწიფო შესყიდვის შესახებ ხელშეკრულების პროექტი	6
4. დანართი N1 სატენდერო წინადადების ფასი, ფასების ცხრილი	11

1.ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

გამარტივებული ელექტრონული ტენდერი ცხადდება ტექნიკურ დოკუმენტაციაში მითითებულ ბროშურებზე - კლასიფიკატორის (CPV) კოდი 79800000 - ბეჭდვა და მასთან დაკავშირებული მომსახურებები.

დაფინანსების წყარო – საკუთარი სახსრები.

გამარტივებული ელექტრონული ტენდერის სავარაუდო ღირებულება არის 1400 (ათას ოთხასი) ლარი.

გამარტივებული ელექტრონული ტენდერი ხორციელდება დღგ-ს გარეშე.

მეტი თვალსაჩინოებისთვის იხილეთ სისტემაში ატვირთული შესყიდვის ობიექტის ელექტრონული ვერსიები.

2. ტექნიკური დოკუმენტაცია

2.1 შესყიდვის ობიექტის ტექნიკური მახასიათებლები:

2.1.1 საუბნო საარჩევნო კომისიის თავმჯდომარის უფლებამოსილებანი (ბლოკნოტი) - 200 ცალი, ზომით 10X20 სმ, ფერადი, ორმხრივი, შიგთავსი - 80 გრ. ოფსეტი, ყდა -170 გრ. ცარცი, აკინძვის მეთოდი - რკინის, თეთრი ზამბარა ბლოკნოტის ზედა მხარეს;

2.1.2 ამომრჩეველთა რეგისტრატორი - ვარდისფერ ფურცელზე - 910 ცალი, ზომით A4, 250 გრ. ცარცი, ორმხრივი, ფერადი;

2.1.3 საუბნო საარჩევნო კომისიის მდივნის უფლებამოსილებანი - ღია ყვითელი ფერის ფურცელზე - 200 ცალი, 250 გრ. ცარცი, C-სებურად გადაკეცილი A3, ორმხრივი, შავ-თეთრი;

2.1.4 გადასატანი საარჩევნო ყუთის თანმხლები - ღია ყავისფერი ფერის ფურცელზე - 376 ცალი, ზომით A5, ფერადი, 250 გრ. ცარცი, ორმხრივი;

2.1.5 საარჩევნო ყუთის და სპეციალური კონვერტების ზედამხედველი - ღია მწვანე ფერის ფურცელზე - 200 ცალი, ფერადი, ზომით A5, 250 გრ. ცარცი, ორმხრივი;

2.1.6 ამომრჩეველთა ნაკადის მომწესრიგებელი - ცისფერი ფერის ფურცელზე - 200 ცალი, ზომით A5, ორმხრივი, 250 გრ. ცარცი, ფერადი;

2.1.7 პრაქტიკული სავარჯიშოები II ეტაპი - A4, 80 გრ. ოფსეტი, შავ-თეთრი;

2.1.8 პრაქტიკული სავარჯიშოები III ეტაპი - A4, 80 გრ. ოფსეტი, შავ-თეთრი;

2.1.9 ბიულეტენების შეკვრა - A4, 80 გრ. ოფსეტი, შავ-თეთრი;

შენიშვნა:

(*) 2.1.7-ე , 2.1.8-ე და 2.1.9-ე ქვეპუნტებში მოცემული პრაქტიკული სავარჯიშოების II და III ეტაპებისა და ბიულეტენების შეკვრის დასაბეჭდი მასალის რაოდენობა და ბეჭდვის ფორმა იხილეთ ქვემოთ მოცემულ ცხრილებში:

II ეტაპი - 45 შეკვრა			III ეტაპი - 187 შეკვრა		
შეკვრაში უნდა იყოს:			შეკვრაში უნდა იყოს:		
გვერდი	რაოდენობა		გვერდი	რაოდენობა	
19	1		53	1	
	6				
20-24	შეკვრა*5ფ.(30)		54	1	
25	6		55-56	10	ორმხრივი
26	6		57	1	
27	2		58	1	
28	6		59	1	
29	6		60	1	
30	6		61	1	
31	6		62	1	
32	2		63	1	
33	2		64	1	
34	12		65	1	
35-36	6	ორმხრივი	66	1	
37	6		67-68	1	ორმხრივი
38	6		69-70	1	ორმხრივი
39-40	6	ორმხრივი	71-72	1	ორმხრივი
41-42	6	ორმხრივი	73-74	1	ორმხრივი
43-44	6	ორმხრივი	75-76	1	ორმხრივი
45-46	6	ორმხრივი	77-78	1	ორმხრივი
47-48	6	ორმხრივი	79	1	
49-50	6	ორმხრივი	80	1	
51	6		81-82	1	ორმხრივი
52	6		83	1	
ერთ შეკვრაში სულ	151		84	1	
სულ	6795		85	1	
			86	1	
			87	1	
			90	1	
			ერთ შეკვრაში სულ	37	
			სულ	6919	
			ბიულეტენების შეკვრა - 10 ცალი		
			შეკვრაში უნდა იყოს:		
			88-89	15	ორმხრივი
			ერთ შეკვრაში სულ	15	
			სულ	150	

2.2 საქონლის მიწოდების ვადები და პირობები:

2.2.1 საქონლის მიწოდება უნდა განხორციელდეს არაუგვიანეს 2013 წლის 22 მარტისა.

2.2.2 საქონლის მიწოდების ადგილია: ქ. თბილისი, დ. აღმაშენებლის ხეივანი, მე-13 კმ. საქართველოს ცენტრალური საარჩევნო კომისიის შენობის მე-5 სართულზე განლაგებული სსიპ საარჩევნო სისტემების განვითარების რეფორმებისა და სწავლების ცენტრი.

2.3 დამატებითი მოთხოვნები:

2.3.1 სატენდერო წინადადება, ტექნიკური დოკუმენტაცია, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2.3.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.3.3 სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორიცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები.

2.3.4 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარში.

2.4 ანგარიშსწორების პირობები:

2.4.1 ანგარიშსწორება მოხდება მიწოდებული საქონლის რაოდენობის მიხედვით უნაღდო ანგარიშსწორებით ლარებში.

2.4.2 ანგარიშსწორება მიმწოდებელთან განხორციელდება ხელშეკრულების შესაბამისად გაფორმებული მიღება-ჩაბარების აქტისა და საგადასახადო ანგარიშ-ფაქტურის საფუძველზე (თუ გამარჯვებული პრეტენდენტი დღგ-ს გადამხდელი იქნება), წარმოდგენიდან არაუგვიანეს 20 (ოცი) დღის განმავლობაში.

2.5. პრეტენდენტის მიერ სისტემაში ასატვირთი დოკუმენტებია:

ა) პრეტენდენტებმა უნდა წარმოადგინონ სატენდერო წინადადების ფასი, ფასების ცხრილი, საქონლის მიწოდების დრო, ადგილი და რეკვიზიტები დანართი №1-ის მიხედვით;

ბ) შემოთავაზებული საქონლის ტექნიკური და ხარისხობრივი მონაცემების სრული აღწერილობა

2.1 პუნქტის მოთხოვნათა გათვალისწინებით;

გ) სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).

2.6 გამარჯვებულ პირს მოეთხოვება ვაჭრობის შედეგად მის მიერ დაფიქსირებული საბოლოო ფასის განფასება დანართი №1-ის შესაბამისად.

3. ხელშეკრულება სახელმწიფო შესყიდვის შესახებ №

ქ. თბილისი

_____ 2013წ.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულების დამდები მხარეები

ერთი მხრივ, სსიპ საარჩევნო სისტემების განვითარების, რეფორმებისა და სწავლების ცენტრი, წარმოდგენილი მისი _____ სახით (შემდგომში „შემსყიდველი“) იურიდიული მისამართი ქ. თბილისი, დ. აღმაშენებლის ხეივანი მე-13 კმ,

და მეორე მხრივ _____ მისი _____ სახით, იურიდიული მისამართი _____
(შემდგომში მიმწოდებელი)

_____ (ორგანიზაციის დასახელება და იურიდიული მისამართი)

1. ხელშეკრულების ღირებულება

შემსყიდველმა გამოაცხადა გამარტივებული ელექტრონული ტენდერი შემდეგი დასახელების ბროშურებზე: 1) საუბნო საარჩევნო კომისიის თავმჯდომარის უფლებამოსილებანი (ბლოკნოტი); 2) ამომრჩეველთა რეგისტრატორი; 3) საუბნო საარჩევნო კომისიის მდივნის უფლებამოსილებანი; 4) გადასატანი საარჩევნო ყუთის თანმხლები; 5) საარჩევნო ყუთის და სპეციალური კონვერტების ზედამხედველი; 6) ამომრჩეველთა ნაკადის მომწესრიგებელი; 7) პრაქტიკული სავარჯიშოები - II ეტაპი; 8) პრაქტიკული სავარჯიშოები - III ეტაპი; 9) ბიულეტენების შეკვრა - კლასიფიკატორის (CPV) კოდით 79800000 - ბეჭდვა და მასთან დაკავშირებული მომსახურებები და შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი _____ ლარად (შემდგომში ხელშეკრულების ღირებულება).

2. ხელშეკრულების შესრულების კონტროლი

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1 საქონლის მიწოდების ვადების ხელშეკრულების მოთხოვნებთან შესაბამისობის დადგენა;

2.2.2 მიწოდებული საქონლის ან/და მისი ნაწილის ხარისხის შესაბამისობის დადგენა სატენდერო წინადადებასა და ხელშეკრულების მოთხოვნებთან.

2.2.3 მიმწოდებლის თანდასწრებით მოწოდებული საქონლის შემოწმება და თუ აღმოჩნდება, რომ აღნიშნული საქონელი არ შეესაბამება შემსყიდველის მიერ სატენდერო დოკუმენტაციით გათვალისწინებულ მოთხოვნებს ან გააჩნია ნივთობრივი ნაკლი, შემსყიდველს უფლება აქვს არ მიიღოს აღნიშნული საქონელი და მოითხოვოს მისი შეცვლა სატენდერო წინადადების შესაბამისი საქონლით. სატენდერო წინადადებასთან შეუსაბამო ან ნივთობრივი ნაკლის მქონე საქონელი

უნდა შეიცვალოს 3 (სამი) დღის ვადაში. საქონლის შეცვლასთან დაკავშირებული ხარჯების ანაზღაურება ეკისრება მიმწოდებელს.

2.2.4. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის, და ანგარიშსწორების პროცესის რეგულირება.

3.შესყიდვის ობიექტის მახასიათებლები

შესყიდვის ობიექტის მახასიათებლები უნდა შეესაბამებოდეს ტექნიკური დოკუმენტაციით გათვალისწინებულ მოთხოვნებს.

4.საქონლის მიწოდების პირობები

4.1. საქონლის მიწოდება უნდა განხორციელდეს არაუგვიანეს 2013 წლის 22 მარტისა;

4.2. საქონლის მიწოდების ადგილი: ქ. თბილისი, დ. აღმაშენებლის ხეივანი, მე-13 კმ, საქართველოს ცენტრალური საარჩევნო კომისიის შენობის მე-5 სართულზე განლაგებული სსიპ საარჩევნო სისტემების განვითარების, რეფორმებისა და სწავლების ცენტრი.

4.3. მიწოდებული საქონელი უნდა იყოს ნივთობრივად და უფლებრივად უნაკლო.

5.შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული საქონლის შესაბამისად.

5.2. იმ შემთხვევაში თუ, მიწოდებული საქონელი შეესაბამება ხელშეკრულების მე-3 პუნქტით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს მიწოდებული საქონლის მიღებას.

5.3 მიმწოდებელმა შემსყიდველს საქონლის მიწოდებისას უნდა წარუდგინოს საგადასახადო ანგარიშ-ფაქტურა (იმ შემთხვევაში თუ დღგ-ს გადამხდელია).

5.4. ხელშეკრულების 5.3. პუნქტით გათვალისწინებული დოკუმენტაცია მიმწოდებელმა შემსყიდველს უნდა წარუდგინოს შემდეგ მისამართზე: ქ. თბილისი, დ. აღმაშენებლის ხეივანი, მე-13 კმ, საქართველოს ცენტრალური საარჩევნო კომისიის შენობის მე-5 სართულზე განლაგებული სსიპ საარჩევნო სისტემების განვითარების რეფორმებისა და სწავლების ცენტრი.

5.5 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე უფლებამოსილი პირია სსიპ საარჩევნო სისტემების განვითარების, რეფორმებისა და სწავლების ცენტრის ადმინისტრაციული განყოფილების შესყიდვების სპეციალისტი ზვიადი ჭელიძე.

6. ანგარიშსწორება

6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად მიწოდებული საქონლის ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება მიღება-ჩაბარების საფუძველზე, მათი გაფორმებიდან 20 დღის ვადაში.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. მიაწოდოს „შემსყიდველს“ უფლებრივად და ნივთობრივად უნაკლო საქონელი;

- 7.1.2. „შემსყიდველს“ მიაწოდოს საქონელი ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;
- 7.1.3. უზრუნველყოს ნაკლოვანი საქონლის შეცვლა 3 (სამი) დღის ვადაში;
- 7.1.4. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;
- 7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2. „შემსყიდველი“ ვალდებულია:
- 7.2.1. უზრუნველყოს „მიმწოდებლის“ მიერ მიწოდებული საქონლის ღირებულების დროული ანაზღაურება;
- 7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლებები

- 8.1. „მიმწოდებელს“ უფლება აქვს:
- 8.1.1. ხელშეკრულების ფარგლებში მოითხოვოს მიწოდებული საქონლის ღირებულების დროული ანაზღაურება.
- 8.2. „შემსყიდველს“ უფლება აქვს:
- 8.2.1. აწარმოოს მიწოდებული პროდუქციის ხარისხისა და რაოდენობის კონტროლი;
- 8.2.2. განაცხადოს უარი უხარისხო საქონლის მიღებაზე.

9. ფორს-მაჟორი

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

- 10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან

დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. იმ შემთხვევაში, თუ მიმწოდებლის მხრიდან ხელშეკრულებით გათვალისწინებული პირობების შესაბამისად არ განხორციელდა შესაბამისი რაოდენობისა და ხარისხის საქონლის მიწოდება, მიმწოდებელს დაეკისრება პირსაგამტეხლო შეუსრულებელი ვალდებულების ღირებულების 0,5%-ის ოდენობით ყოველ ვადაგადაცილებულ დღეზე.

13.2. იმ შემთხვევაში, თუ ხელშეკრულებით ნაკისრი ვალდებულებების არაჯეროვანი შესრულების ან შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.

13.3. შემსყიდველის მხრიდან ხელშეკრულების 6.3. პუნქტით გათვალისწინებული ანგარიშსწორების ვადების დარღვევის შემთხვევაში შემსყიდველს მიმწოდებლის სასარგებლოდ დაეკისრება პირგასამტეხლო შეუსრულებელი ვალდებულების ღირებულების 0,1%-ის ოდენობით ყოველ ვადაგადაცილებულ დღეზე.

13.4. მიმწოდებლის მიერ საქონლის მიწოდების ვადის გადაცილების შემთხვევაში დაკისრებული პირგასამტეხლოს გამოქვითვა მოხდება ასანაზღაურებელი თანხიდან.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის 2013 წლის ----- და მოქმედებს 2013 წლის -----.

16. განსაკუთრებული პირობები

16.1. ხელშეკრულება შედგენილია -- ეგზემპლარად და თითოეულ მათგანს თანაბარი იურიდიული ძალა აქვს.

16.2. ხელშეკრულების ----- ეგზემპლარი ინახება „მიმწოდებელთან“, ხოლო ---- ეგზემპლარი „შემსყიდველთან“.

„შემსყიდველი“

„მიმწოდებელი“

სსიპ „საარჩევნო სისტემების განვითარების
რეფორმებისა და სწავლების ცენტრი“

სატენდერო წინადადების ფასი (ლარი), ფასების ცხრილი, მიწოდების ვადა და ადგილი

“-----”-----2013წ
(შეესების თარიღი)

-----სატენდერო წინადადების ფასი ----- (-----) ლარად.
(პრეტენდენტის დასახელება) (თანხა ციფრებით) (თანხა სიტყვიერად)

შესყიდვის ობიექტის დასახელება	რაოდენობა	შესყიდვის ობიექტის ძირითადი მახასიათებლები	ერთეულის ფასი	საერთო ღირებულება	მიწოდების ვადა და ადგილი
1	2	3	4	5	6
საუბნო საარჩევნო კომისიის თავმჯდომარის უფლებამოსილებანი (ბლოკნოტი)	200 ცალი				არა უგვიანეს 2013 წლის 22 მარტისა ქ. თბილისი, დ. აღმაშენებლის ხეივანი მე-13 კმ.
ამომრჩეველთა რეგისტრატორი	910 ცალი				
საუბნო საარჩევნო კომისიის მდივნის უფლებამოსილებანი	200 ცალი				
გადასატანი საარჩევნო ყუთის თანმხლები	376 ცალი				
საარჩევნო ყუთის და სპეციალური კონვერტების ზედამხედველი;	200 ცალი				
ამომრჩეველთა ნაკადის მომწესრიგებელი	200 ცალი				

პრაქტიკული სავარჯიშოები - II ეტაპი	45 ცალი				
პრაქტიკული სავარჯიშოები - III ეტაპი	187 ცალი				
ბიულეტენების შეკვრა	10 ცალი				

შენიშვნა:

(*) გამარჯვებულ პირს მოეთხოვება ვაჭრობის შედეგად მის მიერ დაფიქსირებული საბოლოო ფასის განფასება დანართი №1-ის შესაბამისად.

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტი ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშსწორების ანგარიში:

უფლებამოსილი პირის ხელმოწერა და ბეჭედი